




Republika e Kosovës  
Republika Kosova - Republic of Kosovo



KOMISIONI I PAVARUR PËR MEDIA  
NEZAVISNA KOMISIJA ZA MEDJE - INDEPENDENT MEDIA COMMISSION

Emri i biznesit: Qendra Multi Mediale "Pro Channel"

Pronar: Jozë Kolndrekaj

Emri i propozuar: "PRO CHANNEL"

Rr. Asdreni nr 1

Prizren

Vendimi LIC-KKPM: 2009/17

Ref: 0912/2307/KKPM/ni

### VENDIM

*lidhur me aplikacionin për licencë të ofruesit të shërbimeve programore "PRO CHANNEL" - Prizren*

### **Fakte**

1. Këshilli i Komisionit të Pavarur për Media (KPM), duke vepruar në bazë të Nenit 2.5 dhe Nenit 11 të Ligjit për KPM-në Nr. 02/L-15 ka nxjerr Rregulloren e Distribimit Kabllor të Programeve Radio Televizive në Kosovë (CIMC 2007/04) e cila ka hyrë në fuqi më datë 06 korrik 2007.
2. Në bazë të Nenit 16 të Rregullores CIMC 2007/04, KPM ka krijuar bazën ligjore për licencimin e Ofruesve të Shërbimeve Programore, të cilët do të kenë mundësi të prodhojnë programe përmbajtësore të cilat do të transmetohen vetëm përmes operatorëve kabllorë.
3. Më 30 tetor 2009, kandidati për Ofrues të Shërbimeve Programore ka paraqitur aplikacionin për Licencë të KPM-së.

### **Arsyetim**

4. Në bazë të nenit 16.4 të Rregullores 2007/04, Ofruesit e Shërbimeve Programore do të rregullohen sikurse subjektet transmetuese.
5. Kandidati për licencë të KPM-së "PRO CHANNEL" në aplikacionin e tij ka paraqitur të dhëna për Licencë të KPM-së, për të ofruar shërbime programore dhe në pajtueshmëri me Nenin 16 të Rregullës CIMC 2007/04 ofruesi i shërbimeve programore "PRO CHANNEL" ka paraqitur të gjitha të dhënat e nevojshme për t'u pajisur me licencë të KPM-së.
6. KPM vlerëson se kandidati "PRO CHANNEL" ka ofruar informacione të mjaftueshme për vlerësim të aplikacionit, të cilat mund të konsiderohen si informacione bindëse lidhur me skemën programore në përgjithësi, duke paraqitur një strukturë të qartë organizative, dëshmi mbi qëndrueshmërinë financiare si dhe informacione rreth aftësive profesionale dhe menaxheriale për të udhëhequr me ofrues të shërbimeve programore.

7. Në pajtim me nenin 16.4 të Rregullores 2007/04, Ofruesit e Shërbimeve Programore "PRO CHANNEL" do të veprojnë në pajtueshmëri me të gjitha rregullat dhe aktet tjera nënligjore të nxjerra nga KPM, në pajtueshmëri me Ligjin e KPM-së, si dhe ligjet tjera të zbatueshme në Republikën e Kosovës.
8. KPM vlerëson se, ofruesi i shërbimeve programore "PRO CHANNEL" ka përmbushur kriteret për kualifikim për licencë të KPM-së.

### Vendim

9. KPM konkludon se "PRO CHANNEL" ka aplikuar për licencë të KPM-së dhe ka ofruar të gjitha të dhënat e nevojshme për të ofruar shërbime të programeve përmes sistemit kabllor.
10. KPM vendos që, ofruesit të shërbimeve programore "PRO CHANNEL" me seli në Prizren, t'i lëshoj licencën e KPM-së për të vepruar si Ofrues i Shërbimeve Programore në Republikën e Kosovës.
11. Në bazë të Nenit 3.2 të Rregullores për Distributim Kabllor të Programeve Radio Televizive në Kosovë, licenca e të shërbimeve programore "PRO CHANNEL" do të jetë valide për një periudhë prej dhjetë (10) vitesh, me mundësi vazhdimi nga ana e KPM-së.
12. Në pajtueshmëri me Nenin 10 të Rregullores CIMC Nr. 2007/04, çdo Ofrues i Shërbimeve Programore duhet të paguajë taksën vjetore. Niveli i taksës vjetore për licencim të OSHP është i përcaktuar me Nenin 5.2 të Vendimit për Nivelin, Mënyrën e Përcaktimit të Pagesës së Takës për Licencim të Operatorëve Kabllor dhe Ofruesve të Shërbimeve të Programeve përmes Kabllor (CIMC 2007/05).
13. Në pajtueshmëri me Nenin 6.2 të Vendimit (CIMC 2007/05), ofruesi i shërbimeve programore "PRO CHANNEL" duhet ta paguaj taksën e parë vjetore për licencë jo më vonë se 14 ditë pas pranimin të Licencës.
14. Ofruesi i Shërbimeve Programore "PRO CHANNEL", mund të fillojë transmetimin e programit vetëm pas nënshkrimit të Pakos së Licencës së KPM-së.

### Lëshimi i Vendimit

15. Këtë vendim e lëshon Këshilli i KPM-së.

  
 Argjentina Grazhdani  
 Kryesuese e Këshillit të KPM-së.



30.12.2007  
 datë

Me këtë vërtetohet se Këshilli i KPM-së ka marrë këtë vendim në pajtueshmëri me rregulloret dhe ligjet e aplikueshme në Kosovë, dhe në pajtueshmëri me rregullat e procedurës së KPM-së.

  
 Naile Selimaj Krasniqi  
 Shefe Ekzekutive

30.12.2007  
 datë